





送許子擢第歸江寧拜親因寄王昌齡

武威送劉單判官赴安西行營便呈高開府

送王昌齡赴江寧
送祁樂歸河東

杜亭貽宗學士道別
送許拾遺歸江寧拜親

虢州郡齋南池幽興因與閻二侍御道別

送青龍招提歸一上人遠遊吳楚別詩

送李翥遊江外
送王著作赴淮西幕府

岑參集目錄

送張秘書克劉相公通汴河判官便赴江外覲省

冬宵家會餞李郎中兵赴同州

送顏平原
送狄員外巡按西山軍

虢州送鄭興宗弟歸扶風別廬

灃頭送蔣侯
送永壽王贊府遙歸縣

潼關鎮國軍勾覆使院早春寄王同州

青山峽泊舟懷狄侍御
寄青城龍溪真道人

梁州對雨懷麴二秀才便呈麴大判官

潼關使院懷王七季友
至大梁却寄匡城主人

宿華陰東郭客舍憶闔防

春遇南使貽趙知音

郊行寄杜位

懷葉縣關操姚曠韓涉李叔齊

初至西虢官舍南池呈左右省及南宮諸故人

宿東溪懷王屋李隱者

酬杜華見贈兼呈熊曜

聞崔十二侍御灌口夜宿報恩寺

酬成少尹駱谷行見呈

虢州酬陝西甄判官贈

過梁州奉贈張尚書

冀州貽王綺寄題南樓

北庭西郊候封大夫受降回軍獻上

岑參集目錄

使交河郡

宿仙遊寺呈謙道人

上嘉州青衣山中峯題惠淨上人幽居寄楊郎中

自潘陵尖還少室居止秋夕憑眺

陪狄員外早秋登府西樓因呈院中諸公

登嘉州凌雲寺

同高適薛據登慈恩寺

登北庭北樓呈幕中諸公

登千福寺楚金禪師法華院多寶塔

出關經華嶽寺訪法華雲公

宿太白東溪李老舍寄弟姪

潭石淙望秦嶺微雨作貽友人

南池夜宿思王屋青蘿舊齋

題華嚴寺瓌公禪房

峨眉東脚臨江聽猿

春半與羣公同遊元處士別業

陪群公龍岡寺泛舟

終南雙峰草堂

東歸留題徐太常艸堂

過王判官西津所居

因假歸白閣西艸堂

林卧

太一石鰲崖口潭舊廬招王學士

相國翼公東齋幽居

過王處士黑石谷隱居

岑參集目錄

緱山西峯草堂

尋鞏縣南李處士別業

觀楚國寺璋上人寫一切經院

驪姬墓

東歸晚次潼關懷古

楚夕旅泊古興

先主武侯廟

文翁講堂

楊雄草玄臺

司馬相如琴臺

嚴君平卜肆

張儀樓

昇仙橋

萬里橋

石犀

龍女祠

隴山途中逢宇文判官

南池宴餞辛子賦得科斗子
東歸發捷為至泥溪舟中作

與鮮于庶子自梓州成都少尹自褒城同行至利
州道中作
外江舟中懷終南舊居

安西館中思長安
暮秋山行

赴捷為經龍閣道
江上阻風雨

經火山
題鐵門關樓

早上五盤嶺
入劔門寄杜楊二郎中

阻戎瀘間群盜
行軍二首

岑參集目錄

西蜀旅舍春歎寄朝中故人呈狄評事

郡齋閒坐
輦北秋興寄崔明允

衙郡守還
劉相公中書江山畫障

尹相公京兆府中堂樹降甘露詩

秋日聽羅山人彈三峽流泉

精衛
石上藤

七言古詩

青門歌送東臺張判官
梁園歌送河南王判官

熱海行送崔侍御還京
飲馬川行送出師西征

輪臺歌送封大夫西征 敷水歌送竇漸入京

天山雪歌送蕭治歸京

函谷關歌送劉評事使關西

胡笳歌送顏真卿使赴河隴

火山雲歌送別 秦箏歌送甥蕭正歸京

與獨孤漸道別兼呈嚴八侍御

送郭八雜言 送費子歸武昌

送魏升卿擢第歸東都因懷魏校書陸渾喬潭

送張獻心充副使歸河西雜句

岑參集目錄

五

送魏四落第還鄉 送韓巽入都省便赴舉

送李副使赴磧西官軍 西亭送李司馬

送宇文南金放後歸太原寓居因呈郝主簿

寄西嶽山人李岡 玉門關蓋將軍歌

臨河客舍呈狄明府留題縣南樓

贈酒泉韓太守 漁父

偃師東與韓樽同詣景雲暉上人即事

醉題匡城周少府壁 燉煌太守後庭歌

梁州與諸判官夜集 喜韓樽相過

酒泉太守席上醉後作 登古鄴城

銀山磧西館 邯鄲客舍歌

宿蒲關東店憶杜陵別業

客舍悲秋有懷南省舊遊

感遇 二首 衛節度赤驃馬歌

田使君美人如蓮花北鋌歌

裴將軍宅蘆管歌 太白胡僧歌

范公叢竹歌 優鉢羅花歌

韋負外家花樹歌 蜀葵花歌

岑參集目錄

六

醉後戲與趙歌兒 題士曹廳壁畫雲雨歌

五言律詩

南樓送衛憑 送宇文舍人出宰元城

送王伯倫應制授正字歸

崔駙馬山池重送宇文明府

送李郎尉武康 磧西頭送李判官入京

陪使君早春西亭送王贊府赴選

送劉郎將歸河東 西亭送蔣侍御還京

涇水東店送唐子歸嵩陽

水亭送劉顯使還歸節度

送楊錄事充使

送裴判官自賊中再歸河陽幕府

送陝縣王主簿赴襄陽成親

送李卿賦得孤島石

送念二兄北遊尋羅中

送王錄事卻歸華陰

送鄭堪歸汜水別業

送崔全被放歸都觀省

送孟孺卿落第歸濟陽

送裴校書從大夫淄川觀省

送楊千牛赴歲赴汝南郡觀省便成親

岑參集目錄

七

送胡象落第歸王屋別業

送顏韶

送杜佐下第歸陸渾

送張郎中赴隴右觀省卿公

送楚丘麴少府

送蜀郡李椽

送鄭少府赴滄陽

還高冠潭口留別舍弟

醴泉東谿送程皓元鏡微入蜀

夏初醴泉南樓送太康顏少府

送嚴詵擢第歸蜀

送張直公歸南鄭拜省

臨洮泛舟趙仙舟自北庭罷使還京

送周子落第遊荆南

送薛彥偉擢第東都

送張子尉南海

送程使君赴成州

送張升卿宰新淦

送陳子歸陸渾別業

稠桑驛喜逢嚴河南中丞便別

送蒲秀才擢第還蜀

送滕元擢第歸蘇州

送郭司馬赴伊吾郡請示李明府

送任郎中出守明州

臨洮客舍留別祁四

送弘文李校書往漢南拜親

送李別將攝伊吾令充使赴武威便寄崔員外

岑參集目錄

送四鎮薛侍御東歸

送張都尉東都

送樊侍御使丹陽便覲

送張卿郎君赴碣石尉

送顏少府投鄭州

送鄭侍御歸東臺

祁四再赴江南別詩

送許員外置常平倉

送祕省虞校書赴虞御丞

送江陵臬少府赴任便呈衛荊州

送李太保兼御史大夫充渭北節度使

送江陵黎少府

送揚州王司馬

鏡州送天平何丞入京市馬

陝州月城樓送辛判官入秦

闕鄉送上官秀才歸關西別業

送王七錄事赴虢州

送長孫將軍赴歙州

送崔主簿赴夏陽

送梁判官歸女几舊廬

送懷州吳別駕

送人歸江寧

送任別駕

送李司諫歸京

送綿州李司馬秩滿歸京因呈李兵部

送崔員外入秦因訪故園

送柳錄事赴梁州

送帝侍御先歸京

岑參集目錄

九

送裴侍御赴歲入京

送顏評事入京

送趙侍御歸上都

武威春暮聞宇文判官西使還已到晉昌

虢州南池候嚴中丞不至

尋少室張山人聞與偃師周明府同入都

歲暮磧外寄元撫

寄宇文判官

郡齋南池招楊韓

南宮谷口招鄭郵

夜過盤豆隔河望永樂寄閨中

寄左省杜拾遺

春興思南山舊廬

七月三日在內學見有高近道舉徵宿關西客舍
寄東山嚴許二山人
丘中春卧寄王子

江行宿龍吼灘臨眺思峨眉隱者兼寄幕中諸公
酬李判官
虢州酬辛侍御見贈

酬崔侍御登玉壘山思故園見寄

漢川山行呈成少尹
陪使君早春東郊遊眺

春日醴泉杜明府承恩五品宴席上賦詩

雪後過慈恩寺
與鄆縣群官泛漢陂

與鄆縣源少府泛漢陂
終南東溪中作

岑參集目錄

與鮮于庶子泛漢江
晦日陪侍御泛北池

早春陪崔中丞同泛浣花溪宴

晚過盤石寺禮鄭和尚
登涼州尹臺寺

登總持寺閣
題金城臨河驛樓

郡齋平望江山
春尋河陽陶處士別業

携琴酒尋閻防崇濟寺所居僧院

題永樂韋少府廳壁
宿嚴給事別業

暮秋會嚴京兆竹齋
尋楊七郎中宅即事

題新鄉王釜廳壁
題山寺僧房

喜華陰王少府使到南池宴集

陪封大夫九日登高

陪封大夫宴得征字

陪封大夫宴瀚海亭

虢州西亭陪端公宴集

虢州臥疾喜劉判官相過水亭

梁州陪趙行軍龍岡寺北庭泛舟宴王侍御

河西春暮憶秦中

過酒泉憶杜陵別業

宿鐵關西館

早發焉耆懷終南別業

登臨洮將赴北庭留別

首秋輪臺

北庭作

輪臺即事

岑參集目錄

十一

還東山洛上作

揚固店

巴南舟中思陸渾別業

晚發五渡

巴南舟中夜書事

初授官題高冠草堂

題虢州西樓

省中即事

江上春歎

初至犍為作

成王挽歌

苗侍中挽歌

故僕射裴公挽歌

二首

河西杜太守挽歌

四首

故岐國公蘇公挽歌

二首

韓夫人崔氏挽歌

二首

詠郡齋壁画片雲

龍興寺同詠青木香叢

使院中新栽栢樹子呈李十五栖筠
長門怨

七言律詩

使君席夜送嚴河南赴長水

暮春虢州東亭送李司馬歸扶風

九日使君席奉餞衛中丞赴長水

和祠部王員外雪後早朝即事

和賈至舍人早朝大明宮

赴嘉州過城固縣尋永安超禪師房

岑參集目錄

首春渭西郊行呈張二主簿

西掖省即事

秋夕讀書幽興

奉和相公發益昌

五言排律

送顏黃門拜御史中丞再鎮蜀州

送郭僕射節制劔南

送盧郎中除杭州赴任

送李賓客荆南迎親

送嚴維落第還江東

水亭送華陰王少府還縣

餞王荃判官赴襄陽

送薛弁歸河東

送薛播擢第歸河東

佐郡思舊遊

早秋與諸子登虢州西亭觀眺

和刑部成員外秋寓直寄臺省知己

五言絕句

寄韓樽

尚書念舊垂賜袍衣率題絕句獻謝

題井陘雙溪李道士所居

題雲際南峰眼上人讀經堂

題梁錕城中高居

題張處士菜園

本叅集目錄

題三會寺倉頡造字臺

日沒賀延磧作

憶長安二章寄龐淮

見渭水思秦川

經隴頭分水

秋思

行軍九日思長安故園

戲題關門

歎白髮

減胡曲

題汾橋邊柳樹

醉裏送裴子赴鎮西

七言絕句

武威送判官赴磧西行軍

虢州後亭送李判官使赴晉絳

送王少府歸華陰

原頭送范侍御

送李明府赴睦州便省

虢州西亭送范端公

送賈侍御使江外

送崔子還京

崔倉曹席上送殷寅充石相判官赴淮南

入蒲關先寄秦中故人

過馬耆寄杜位

首翁峰寄家人

玉關寄長安李主簿

趙將軍歌

春興戲題贈李侯

封大夫破播仙凱歌

六首

草堂村尋羅生不遇

山房春事

一首

酒泉太守席上醉後作

題觀樓

碩中作

赴北庭度隴思家

逢入京使

醉戲竇子美人

秋夜聞笛

戲問花門酒家翁

春夢

關中李本芳元榮校

五言古詩

送許子擢第歸江寧拜親因寄王大昌齡

建業控京口。金陵歎滄溟。君家臨秦淮。傍對石頭城。
十年自勤學。一鼓遊上京。青春登甲科。動地聞香名。
解榻皆五侯。結交盡群英。六月槐花飛。忽思蓴菜羹。
跨馬出國門。丹陽返荊荆。楚雲引歸帆。淮水浮客程。
到家拜親時。入門有光榮。鄉人盡來賀。置酒相邀迎。

岑參集

閑眺壯觀樓。醉眠湖上亭。月從海門出。照見茅山青。
昔為帝王州。今幸天下平。五朝變人世。千載空江聲。
玄元告靈符。丹洞獲其銘。皇帝受玉冊。群臣羅天庭。
喜氣薄太陽。祥光徹宵冥。奔走朝萬國。崩騰集百靈。
王兄尚謫宦。屢見秋雲生。孤城帶後湖。心與湖水清。
一縣無諍辭。有時開道經。黃鶴垂兩翅。徘徊但悲鳴。
相思不可見。空望牛女星。

武威送劉單判官赴安西行營便呈高開府
熱海亘鐵門。火山赫金方。白草磨天涯。胡沙奔茫茫。

夫子佐戎幕。其鋒利如霜。中歲學兵符。不能守文章。
功業須及時。立身有行藏。男兒感忠義。萬里忘越鄉。
孟夏邊候逢。胡國草木長。馬疾過飛鳥。天窮超夕陽。
都護新出師。五月發軍裝。甲兵二百萬。錯落黃金光。
揚旗拂崑崙。伐鼓震蒲昌。太白引官軍。天威臨大荒。
西望雲侶蛇。戎夷知喪亡。渾驅大宛馬。繫取樓蘭王。
曾到交河城。風土斷人腸。塞驛遠如點。邊烽互相望。
赤亭多飄風。鼓怒不可當。有時無人行。沙石亂飄揚。
夜靜天蕭條。鬼哭夾道傍。地上多髑髏。皆是古戰場。

岑參集

置酒高館夕。邊城月蒼蒼。軍中宰肥牛。堂上羅羽觴。
紅淚金燭盤。嬌歌艷新粧。望君仰青冥。短翮難可翔。
蒼然西郊道。握手何慨慷。

送王大昌齡赴江寧

對酒寂不語。悵然悲送君。明時未得用。白首徒攻文。
澤國從一官。滄波幾千里。群公滿天闕。獨去過淮水。
舊家富春渚。嘗憶卧江樓。自聞君欲行。頓望南徐州。
窮巷獨閉門。寒燈靜深屋。北風吹微雪。抱被肯同宿。
君行到京口。正是桃花時。舟中饒孤興。湖上多新詩。

潛虬且深蟠。黃鶴飛來晚。惜君青雲器。努力加餐飯。
送祁樂歸河東

祁樂後來秀。挺身出河東。往年詣驪山。獻賦溫泉宮。
天子不召見。揮鞭遂從戎。前月還長安。囊中金已空。
有時忽乘興。畫出江上峯。牀頭蒼梧雲。簾下天台松。
忽如高堂上。颯颯生清風。五月火雲屯。氣燒天地紅。
鳥且不敢飛。子行如轉蓬。少華與首陽。隔河勢爭雄。
新月河上出。清空滿關中。置酒灞亭別。高歌披心胸。
君到故山時。為謝五老翁。

岑參集

北庭貽宗學士道別

萬事不可料。歎君在軍中。讀書破萬卷。何事來從戎。
曾逐李輕車。西征出太蒙。荷戈月窟外。擐甲崑崙東。
兩度皆破胡。朝廷輕戰功。十年祇一命。萬里如飄蓬。
容鬢老胡塵。衣裘脆邊風。忽來輪臺下。相見披心胸。
飲酒對春草。彈碁聞夜鐘。今且還龜茲。臂上懸角弓。
平沙向旅館。匹馬隨飛鴻。孤城倚大磧。海氣迎邊空。
四月猶自寒。天山雪濛濛。君有賢主將。何謂泣途窮。
時來整六翮。一舉凌蒼穹。

送許拾遺恩歸江寧拜親

詔書下青瑣。駟馬還吳洲。束帛仍賜衣。恩波漲滄流。
微祿將及親。向家非遠遊。看君五斗米。不謝萬戶侯。
適出西掖垣。如到南徐州。歸心望海日。鄉夢登江樓。
大江盤金陵。諸山橫石頭。楓樹隱茅屋。橘林繫漁舟。
種藥疏故畦。釣魚垂舊鉤。對月京口夕。觀濤海門秋。
天子憐諫官。論事不肯休。早來丹墀下。高駕無淹留。
虢州郡齋南池。幽興因與閻二侍御道別
池色淨天碧。水涼雨淒淒。快風從東南。荷葉翻向西。

岑參集

性本愛魚鳥。未能返巖巖。中歲徇微官。遂令心賞暌。
及茲佐山郡。不異尋幽棲。小吏趨竹徑。訟庭侵藥畦。
胡塵暗河洛。二陝震鼓鞶。故人佐戎軒。逸翮凌雲霓。
行軍在函谷。兩度聞鶯啼。相看紅旗下。飲酒白日低。
聞君欲朝天。駟馬臨道嘶。仰望浮與沉。忽如雲與泥。
夜眠驛樓月。曉發關城雞。惆悵西郊暮。鄉書對君題。

送青龍招提歸一上人遠遊吳楚別詩

久交應真侶。最歎青龍僧。棄官向二年。削髮歸一乘。
了然瑩心身。絜念樂空寂。名香泛牕戶。幽磬清曉夕。

往年仗一劍。由是佐二庭。於焉久從戎。兼復解論兵。
世人猶未知。天子願相見。朝從青蓮宇。暮入白虎殿。
宮女檠錫杖。御筵出香爐。說法開藏經。論邊窮陣圖。
忘機厭塵喧。浪跡向江海。思師石可訪。惠遠峯猶在。
今旦飛錫去。何時持鉢還。湖烟冷吳門。淮月銜楚山。
一身如浮雲。萬里過江水。相思眇天外。南望無窮已。

送李翥遊江外

相識應十載。見君只一官。家貧祿尚薄。霜降衣仍單。
惆悵秋草死。蕭條方歲闌。且尋滄洲路。遙指吳雲端。

以全參集

五

匹馬關塞遠。孤舟江海寬。夜眠楚烟濕。曉飯湖山寒。
砧淨紅鱸落。袖香朱橘團。帆前見禹廟。枕底聞巖灘。
便獲賞心趣。豈歌行路難。青門須醉別。少為解征鞍。

送王著作赴淮西幕府

燕子與百勞。一西復一東。天空信寥廓。翔集何時同。
知己悵難遇。良朋非易逢。憐君心相親。與我家又通。
言笑日無度。書劄凡幾封。湛湛萬頃陂。森森千丈松。
不知有機巧。無事干心胸。滿堂皆酒徒。豈復羨王公。
早年抱將畧。累歲依幕中。昨者從淮西。歸來奏邊功。

承恩長樂殿。醉出明光宮。逆旅悲寒暄。客夢驚飛鴻。
發家見春草。却去聞秋風。月色冷楚城。波光透霜空。
各自務功業。當須激深衷。別後能相思。何嗟山萬重。
送張秘書充劉相公通汴河判官便赴江外

覲省

前年見君時。見君正泥蟠。去年見君處。見君已風搏。
朝趨赤墀前。高視青雲端。新登麒麟閣。適脫獬豸冠。
劉公領舟楫。汴水揚波瀾。萬里江海通。九州天地寬。
昨夜動使星。今旦送征鞍。老親在吳郡。令弟雙同官。

鱸膾剩堪憶。蓴羹殊可餐。既參幕中畫。復展膝下驪。
因送故人行。試歌行路難。何處路最難。最難在長安。
長安多權貴。珂珮聲珊珊。儒生直如絃。權貴不須干。
斗酒取一醉。孤琴為君彈。臨岐欲有贈。持以握中蘭。

冬宵家會餞李郎司兵赴同州

急管雜青絲。玉瓶金屈卮。寒天高堂夜。撲地飛雪時。
賀君關西掾。新綬腰下垂。白面皇家郎。逸翮青雲姿。
明旦之官去。他辰良會稀。惜別冬夜短。務歡杯行遲。
季女猶自小。老夫未令歸。且看匹馬行。不得鳴鳳飛。

昔歲到馮翊。人煙接京師。曾上月樓頭。遙見西嶽祠。
沙苑逼官舍。蓮峰壓城池。多暇或自公。讀書復彈碁。
州縣信徒勞。雲霄亦可期。應須力為政。聊慰此相思。

送顏平原

并序

十二年春。有詔補尚書十數公為郡守。上親賦詩觴
群公。宴于蓬萊前殿。仍錫以繒帛。寵餞加等。參美顏
公是行。為寵別章句。

天子念黎庶。詔書換諸侯。仙郎授剖符。華省輟分憂。
置酒會前殿。賜錢若山丘。天章降三光。聖澤詠九州。

岑參集

七

吾兄鎮河朔。拜命宣皇猷。駟馬辭國門。一星東北流。
夏雲照銀印。暑雨隨行輈。赤筆仍在篋。鑪香惹衣裘。
此地鄰東溟。孤城吊滄洲。海風掣金戟。導吏呼鳴騶。
郊原北連燕。剽劫風未休。魚鹽隘里巷。桑柘盈田疇。
為郡豈淹旬。政成應未秋。易俗去猛虎。化人似馴鷗。
蒼生已望君。黃霸寧久留。

送狄員外巡按西山軍

兵馬守西山。中國非得計。不知何代策。空使蜀人弊。
八州崖谷深。千里雨雪開。泉澆閣道滑。水凍繩橋脆。

戰士常苦饑。糗糧不相繼。胡兵猶不歸。空山積年歲。
儒生識損益。言事皆審諦。狄子幕府郎。有謀必康濟。
胷中懸明鏡。照耀無巨細。莫辭冒險艱。可以裨節制。
相思江樓夕。愁見月澄霽。

虢州送鄭興宗弟歸扶風別廬

佐郡已三載。豈能長後時。出關少親友。賴汝常相隨。
今旦忽言別。愴然俱淚垂。半生滄洲意。獨有青山知。
州縣不敢說。雲霄誰敢欺。因懷東溪老。最憶南峯緇。
我為多種藥。還山應未遲。

岑參集

灋頭送蔣侯

君住灋水北。我家灋水西。兩村辨喬木。五里聞鳴鷄。
飲酒溪雨過。彈碁山月低。徒聞蔣生逕。爾去誰相携。
送永壽王贊府遙歸縣

當官接閒暇。暫得歸林泉。百里路不宿。兩鄉山復連。
夜深露濕簟。月出風驚蟬。且盡主人酒。為君從醉眠。
潼關鎮國軍勾覆使院早春寄王同州

胡寇尚未盡。大軍鎮關門。旌旗遍草木。兵馬如雲屯。
聖朝正用武。諸將皆承恩。不見征戰功。但聞歌吹喧。

儒生有長策。閉口不敢言。昨從關東來。思與故人論。
何為廊廟器。至今居外藩。黃霸寧淹留。蒼生望騰騫。
卷簾見西岳。仙掌明朝暎。昨夜聞春風。戴勝過後園。
各自限官守。何由叙涼溫。離憂不可忘。襟背思樹萱。

青山峽口泊舟懷狄侍御

峽口秋水壯。沙邊且停橈。奔濤振石壁。峰勢如動搖。
九月蘆花新。彌令客心焦。誰念在江島。故人滿天朝。
無處豁心胃。憂來醉能銷。往來巴山道。三見秋草凋。
狄生新相知。才調凌雲霄。賦詩拆造化。入幕生風飈。

岑參集

九

把筆判甲兵。戰士不敢驕。皆云梁公後。遇鼎還能調。
離別倏經時。音塵殊寂寥。何當見夫子。不歎鄉關遙。

寄青城龍溪真道人

五嶽之丈人。西望青瞢瞢。雲開露崖嶠。百里見石稜。
龍溪盤中峯。上有蓮華僧。絕頂小蘭若。四時嵐氣凝。
身同雲虛無。心與谿清澄。誦戒龍每聽。賦詩人則稱。
杉風吹袈裟。石壁懸孤燈。久欲謝微祿。誓將歸大乘。
願聞開士說。庶以心相應。

梁州對雨懷麴二秀才便呈麴大判官時疾

贈余新詩

江上雲氣黑。崑山昨夜雷。水惡平明飛。雨從嶓冢來。
濛濛隨風過。蕭颯鳴庭槐。隔簾濕衣巾。當暑涼幽齋。
麴生住相近。言語阻且乖。卧疾不見人。午時門始開。
終日看本草。藥苗滿前階。兄弟早有名。甲第皆秀才。
二人事慈母。不弱古老萊。昨歎携手遲。未盡平生懷。
愛君有佳句。一日吟幾回。

潼關使院懷王七季友

王生今才人。時輩咸所仰。何當見顏色。終日勞夢想。

岑參集

驅車到關下。欲往阻河廣。滿目徒春華。思君罷心賞。
開門見太華。朝日映高掌。忽覺蓮花峯。別來更如長。
無心顧微祿。有意在獨往。不負林中期。終當出塵網。
至大梁却寄匡城主人

一從棄魚釣。十載干明王。無由謁天階。却欲歸滄浪。
仲秋至東都。遂見天雨霜。昨夜夢故山。蕙草色已黃。
平明辭鐵丘。薄暮遊大梁。仲秋蕭條景。拔刺飛鵝鶻。
四郊陰氣閉。萬里無晶光。長風吹白茅。野火燒枯桑。
故人南燕吏。籍籍名更香。聊以玉壺贈。置之君子堂。

宿華陰東郭客舍憶閻防

次舍山郭近。解鞍鳴鐘時。主人炊新粒。行子充夜飢。
關月生首陽。照見華陰祠。蒼茫秋山晦。蕭瑟寒松悲。
久從園廬別。遂與朋知辭。舊壑蘭杜晚。歸軒今已遲。

春遇南使貽趙知音

端居春心醉。襟背思樹萱。美人在南州。為爾歌北門。
北風吹煙物。戴勝鳴中園。枯楊長新條。芳草滋舊根。
網絲結寶琴。塵埃被空樽。適遇江海信。聊與南客論。

郊行寄杜位

岑參集

十一

嶮嶮空城煙。淒清寒山景。秋風引歸夢。昨夜到汝穎。
近寺聞鐘聲。映陂見樹影。所思何由見。東北徒引領。
懷葉縣關操姚曠韓涉李叔齊

數子皆故人。一時吏宛葉。經年總不見。書札徒滿篋。
斜日半空庭。旋風走梨葉。去君千里地。言笑何時接。
初至西虢官舍南池呈左右省及南宮諸故

人

黜官自西掖。待罪臨下陽。空積犬馬戀。豈思鴈鷺行。
素多江湖意。偶佐山水鄉。滿院池月靜。卷簾溪雨涼。

軒窓竹翠濕。案牘荷花香。白鳥上衣桁。青苔生筆牀。
數公不可見。一別盡相忘。敢恨青瑣客。無情華省郎。
早年迷進退。晚節悟行藏。他日能相訪。嵩南舊草堂。

宿東谿懷王屋李隱者

山店不鑿井。百家同一泉。晚來南村黑。雨氣和人烟。
霜畦吐寒菜。沙鴈噪河田。隱者不可見。天壇飛鳥邊。

聞崔十二侍御灌口夜宿報恩寺

聞君尋野寺。便宿支公房。溪月冷深殿。江雲擁回廊。
燃燈松林靜。煮茗柴門香。勝事不可接。相思幽興長。

岑參集

十二

敬酬杜華淇上見贈兼呈熊曜

杜侯實才子。盛名不可及。祇曾効一官。今已年四十。
是君同時者。已有尚書郎。憐君獨未遇。淹泊在他鄉。
我從京師來。到此喜相見。共論窮途事。不覺淚滿面。
憶昨癸未歲。吾兄自江東。得君江湖詩。骨氣凌謝公。
熊生尉淇上。開館常待客。喜我二人來。歡笑朝復夕。
縣樓壓春岸。戴勝鳴花枝。吾徒在舟中。縱酒兼彈碁。
三月猶未還。客愁滿春草。賴蒙瑤華贈。諷詠慰懷抱。

酬成少尹駱谷行見呈

聞君行路難。惆悵臨長衢。豈不憚險艱。王程剩相稽。
憶昨蓬萊宮。新授刺史符。明主仍賜衣。價值千萬餘。
何幸承命日。得與夫子歸。携手出華省。連鑣赴長途。
五馬當路嘶。按節投蜀都。千崖信縈折。一徑何盤紆。
層氷滑征輪。密竹礙隼旗。深林迷昏旦。棧道凌空虛。
飛雪縮馬毛。烈風擘我膚。峯攢望天小。亭午見日初。
夜宿月近人。朝行雲滿車。泉澆石罅折。火入松心枯。
亞尹同心者。風流賢大夫。榮祿上及親。之官隨板輿。
高價振臺閣。清詞出應徐。成都春酒香。且用俸錢酤。

卷之六

七

浮名何足道。海上堪乘槎。

虢州酬陝西甄判官贈

微才棄散地。拙宦慙清時。白髮徒自負。青雲難可期。
胡塵暗東洛。亞相方出師。分陝振鼓鼙。二嶠滿旌旗。
夫子廊廟器。迥然青冥姿。閫外佐戎律。幕中吐兵奇。
前者驛使來。忽枉行軍詩。晝吟庭花落。夜諷山月移。
昔君隱蘇門。浪跡不可羈。詔書自徵用。令譽天下知。
別來春草長。東望轉相思。寂寞山城暮。空聞畫角悲。

過梁州奉贈張尚書大夫公

漢中二良將。今昔各一時。韓信此登壇。尚書復來斯。
手把銅虎符。身總丈人師。錯落北斗星。照耀黑水湄。
英雄若神授。大材濟時危。頃歲遇雷雲。精神感靈祇。
勳業振青史。恩德繼鴻私。羗虜昔未平。華陽積僵屍。
人煙絕墟落。鬼火依城池。巴漢空水流。囊斜唯鳥飛。
自公布德政。此地生光輝。百堵創里閭。千家恤惛痿。
層城重鼓角。甲士如熊羆。坐嘯風自調。行春雨仍隨。
芄芄麥苗長。藹藹桑葉肥。浮客相與來。群盜不敢窺。
何幸承嘉惠。小羊即相知。富貴情易踈。相逢心不移。

岑參集

置酒宴高館。嬌歌雜青絲。錦席繡拂廬。玉盤金屈卮。
春景透高戟。江雲篔簹長。麾檝馬嘶柳陰。美人映花枝。
門傳大夫印。世擁上將旗。承家令名揚。許國苦節施。
戎幕寧久駐。台階不應遲。別有彈冠士。希君無見遺。

冀州客舍酒酣貽王綺寄題南樓

夫子傲常調。詔書下徵求。知君欲謁帝。秣馬趨西州。
逸足何駸駸。美聲實風流。富學瞻清詞。下筆不能休。
君家一何盛。赫奕難為儔。伯父四五人。同時為諸侯。
憶昨始相值。值君客貝丘。相看復乘興。携手到冀州。

前日在南縣。與君上北樓。野曠不見山。白日落草頭。
客舍梨花繁。深花隱鳴鳩。南隣新酒熟。有女彈箏篴。
醉後或狂歌。酒醒滿離憂。主人不相識。此地難淹留。
吾廬終南下。堪與王孫遊。何當肯相尋。灑上一孤舟。

北亭西郊候封大夫受降回軍獻上

胡地首霜美。輪臺征馬肥。大夫討匈奴。前月西出師。
甲兵未得戰。降虜來如歸。橐駝何連連。穹帳亦纍纍。
陰山烽火滅。劔水羽書稀。却笑霍嫫媿。區區徒爾為。
西郊候中軍。平沙懸落暉。驛馬從西來。雙節夾路馳。

岑參集

十五

喜鵲捧金印。蛟龍盤畫旗。如公未四十。富貴能及時。
直上排青雲。傍看疾若飛。前年斬樓蘭。去歲平月支。
天子日殊寵。朝廷方見推。何幸一書生。忽蒙國士知。
側身佐戎幕。歛衽事邊陲。自逐定遠侯。亦着短後衣。
近來能走馬。不弱并州兒。

使交河郡

奉使按胡俗。平明發輪臺。暮投交河城。火山赤崔嵬。
九月尚流汗。炎風吹沙埃。何事陰陽工。不遣雨雪來。
吾君方憂邊。分閫資大才。昨者新破胡。安西兵馬回。

鐵關控天崖。萬里何遼哉。煙塵不敢飛。白草空皚皚。
軍中日無事。醉舞傾金罍。漢代李將軍。微功今可咍。
秋夜宿仙遊寺南涼堂呈謙道人

太一連太白。兩山知幾重。路盤石門窰。匹馬行才通。
日西到山寺。林下逢支公。昨夜山北時。星星聞此鐘。
秦女去已久。仙臺在中峯。簫聲不可聞。此地留遺蹤。
石潭積黛色。每歲投金龍。亂流爭迅湍。噴薄如雷風。
夜來聞清磬。月出蒼山空。空山滿青光。水樹相玲瓏。
回廊映密竹。秋殿隱深松。燈影落前溪。夜宿水聲中。

岑參集

上

愛茲林巒好。結宇向溪東。相識唯山僧。鄰家一釣翁。
林晚栗初折。枝寒梨已紅。物幽興易曠。事勝趣彌濃。
願謝區中緣。永依金人宮。寄報乘輦客。簪裾爾何容。
上嘉州青衣山中峯題惠淨上人幽居寄兵

部揚郎中 并序

青衣之山。在大江之中。屹然迴絕。崖壁蒼峭。周廣七
里。長波四匝。有惠淨上人。廬于其顛。唯繩牀竹杖。而
已。恒持蓮華經。十年不下山。予自公浮舟。聊一登眺。
友人夏官弘農楊侯。清談之士也。素工為文。獨立於

世與予有方外之約。每多獨往之意。今者幽躅勝槩。歎不得與此公俱。爰命小吏。刮磨石壁。以識其事。乃詩之達楊友爾。

青衣誰開鑿。獨在水中央。浮舟一躋攀。側逕沿穹蒼。絕頂訪老僧。豁然登上方。諸嶺一何小。三江奔茫茫。蘭若向西開。峨眉正相當。猿鳥樂鐘磬。松蘿泛天香。江雲入袈裟。山月吐繩牀。早知清淨理。久矣機心忘。尚以名宦拘。聿來夷獠鄉。吾友不可見。鬱為尚書郎。早歲愛丹經。留心向青囊。渺渺雲智遠。幽幽海懷長。

岑參集

勝賞欲與俱。引領遙相望。為政愧無術。分憂幸時康。君子滿天朝。老夫憶滄浪。况值廬山遠。抽簪歸法王。

自潘陵尖還少室居止秋夕憑眺

草堂近少室。夜靜聞風松。月出潘陵尖。照見十六峯。九月山葉赤。溪雲淡秋容。火點伊陽村。烟深嵩角鐘。尚子不可見。蔣生難再逢。勝愜只自知。佳趣為誰濃。昨詣山僧期。上到天壇東。向下望雷雨。雲間見回龍。夕與人群踈。轉愛丘壑中。心淡水木會。興幽魚鳥通。稀微了自釋。出處乃不同。况本無宦情。誓將依道風。

陪狄員外早秋登府西樓因呈院中諸公

常愛張儀樓。西山正相當。千峯帶積雪。百里臨城墻。
烟氛掃晴空。草樹映朝光。車馬隘百井。里閭盤三江。
亞相自登壇。時危安此方。威聲振蠻貊。惠化鍾華陽。
旌節羅廣庭。戈鋌凜秋霜。階下貔虎士。幕中鴛鴦行。
今我忽登臨。顧恩不望鄉。知己猶未報。鬢毛颯已蒼。
時命難自知。功業豈暫忘。蟬鳴秋風夕。鳥去江天長。
兵馬休戰爭。風塵尚蒼茫。誰當共携手。賴有冬官郎。

登嘉州凌雲寺作

岑參集

十六

寺出飛鳥外。青峰戴朱樓。搏壁躋半空。喜得登上頭。
始知宇宙闊。下看三江流。天晴見峨眉。如向波中浮。
迥曠煙景豁。陰森棕栴稠。願割區中緣。永從塵外遊。
回風吹虎穴。片雨當龍湫。僧房雲濛濛。夏月寒飈颼。
回合俯近郭。寥落見遠舟。勝槩無端倪。天官可淹留。
一官詎足道。欲去令人愁。

與高適薛據同登慈恩寺塔

塔勢如湧出。孤高聳天宮。登臨出世界。磴道盤虛空。
突兀壓神州。崢嶸如鬼工。四角礙白日。七層摩蒼穹。

下窺指高鳥。俯聽聞驚風。連山若波濤。奔湊似朝東。
青槐夾馳道。宮館何玲瓏。秋色從西來。蒼然滿關中。
五陵北原上。萬古青濛濛。淨理了可悟。勝因俗所宗。
誓將挂冠去。覺道資無窮。

登北庭北樓呈幕中諸公

嘗讀西域傳。漢家得輪臺。古塞千年空。陰山獨崔嵬。
二庭近西海。六月秋風來。日暮上北樓。殺氣凝不開。
大荒無鳥飛。但見白龍堆。舊國眇天末。歸心日悠哉。
上將新破胡。西郊絕烟埃。邊城寂無事。撫劍空徘徊。

岑參集

九

幸得趨幕中。託身厠羣才。早知安邊計。未盡平生懷。

登千福寺楚金禪師法華院多寶塔

多寶滅已久。蓮華付吾師。寶塔凌太空。忽如湧出時。
數年功不成。一志堅自持。明主親夢見。世人今始知。
千家獻黃金。萬匠磨琉璃。既空泰山木。亦罄天府貲。
焚香如雲屯。幡蓋珊珊垂。悉宰神統護。衆魔不敢窺。
作禮觀靈境。焚香方證疑。庶割區中緣。脫身恒在茲。

出關經華嶽寺訪法華雲公

野寺聊解鞍。偶見法華僧。開門對西嶽。石壁青稜層。

竹筵厚蒼苔。松門盤紫藤。長廊列古畫。高殿懸孤燈。
五月山雨熱。三峰火雲蒸。側聞樵人言。深谷猶積冰。
久願尋此山。至今嗟未能。謫官忽東走。王程苦相仍。
欲去戀雙樹。何由窮一乘。月輪吐山郭。夜色空清澄。

宿太白東溪李老舍寄弟姪

渭上秋雨過。北風何騷騷。天晴諸山出。太白峯最高。
主人東溪老。兩耳空長毫。遠近知百歲。子孫皆二毛。
中庭井闌上。一架獼猴桃。石泉飯香粳。酒甕開新糟。
愛茲田中趣。始悟世上勞。我行有勝事。書此寄爾曹。

潭石涼望秦嶺微雨作貽友人

昨夜雲際宿。旦從西峰回。不見林中僧。微雨潭上來。
諸峯皆青翠。秦嶺獨不開。石鼓有時鳴。秦女安在哉。
東南雲開處。突兀獼猴臺。崖口懸瀑流。半空白皚皚。
噴壁四時雨。傍村終日雷。北瞻長安道。日夕多塵埃。
若訪張仲蔚。衡門滿蒿萊。

南池夜宿思王屋青蘿舊齋

池上卧煩暑。不櫛復不巾。有時清風來。自謂羲皇人。
天晴雲歸盡。雨洗月色新。公事常不閒。道書日生塵。

早年家王屋。五別青蘿春。安得還舊山。東溪垂釣綸。
題華嚴寺瓌公禪房

寺南幾十峯。峰翠晴可掬。朝從老僧飯。昨日崖口宿。
錫杖倚枯松。繩牀映深竹。東溪草堂路。來往行自熟。
生事在雲山。誰能復羈束。

峨眉東脚臨江聽猿懷二室舊廬

峨眉煙翠新。昨夜秋雨洗。分明峰頭樹。倒插秋江底。
久別二室間。圖他五斗米。哀猿不可聽。北客欲流涕。
春半與群公同遊元處士別業

岑參集

郭南處士宅。門外羅群峯。勝槩忽相引。春華今正濃。
山厨竹裏爨。野碓藤間舂。對酒雲數片。卷簾花萬重。
巖泉嗟到晚。州縣欲歸慵。草色帶朝雨。灘聲兼夜鐘。
愛茲清俗慮。何事老塵容。况有林下約。轉懷方外蹤。

陪群公龍岡寺汎舟

漢水天一色。寺樓波底看。鐘鳴長空夕。月出孤舟寒。
映酒見山火。隔簾聞夜灘。紫鱗掣芳餌。紅燭燃金盤。
良友興正愜。勝遊情未闌。此中堪倒載。須盡主人歡。

終南雙峰草堂

歛跡歸山田。息心謝時輩。晝還草堂卧。但見雙峰對。
興來資佳遊。事愜符勝槩。著書高牕下。日夕見城內。
曩為世人誤。遂負平生愛。久與林壑辭。及來杉松大。
偶茲精廬近。數預名僧會。有時逐樵漁。盡日不冠帶。
崖口上新丹。石門破蒼靄。色向群木深。光搖一潭碎。
緬懷鄭生谷。頗憶巖子瀨。勝事猶可追。斯人邈千載。

東歸留題太常徐御史堂

不謝古名將。吾知徐太常年纔二十餘。勇冠西南方。
頃曾策匹馬。獨出持兩槍。虜騎無數來。見君不敢當。

岑參集

廿三

漢將小衛霍。蜀將凌關張。卿月益清澄。將星轉光芒。
復居少城北。遙對岷山陽。車馬日盈門。賓客常滿堂。
曲池蔭高樹。小徑穿叢篁。江鳥飛入簾。山雲來到牀。
題詩芭蕉滑。對酒棕花香。諸將射獵時。君在翰墨場。
聖主賞勳業。邊城最輝光。與我情綢繆。相知久芬芳。
忽作萬里別。東歸三峽長。

過王判官西津所居

勝迹不在遠。愛宕池館幽。素懷巖中諾。宛得塵外遊。
何必到清溪。忽來見滄洲。潛移岷山石。暗引巴江流。

樹密書先夜。竹深夏已秋。沙鳥上筆牀。谿花簞釣簾。
夫子賤簪冕。注心向林丘。落日出公堂。垂綸乘釣舟。
賦詩憶楚老。載酒隨江鷗。翛然一傲吏。獨在西津頭。
因假歸北閣西草堂

雷聲傍太白。雨在八九峰。東望白閣雲。半入紫閣松。
勝槩紛滿目。衡門趣彌濃。幸有數畝田。得延二仲蹤。
早聞達士語。偶與心相通。悞狗一微官。還山愧塵容。
釣竿不復把。野碓無人舂。惆悵飛鳥盡。南溪聞夜鐘。

太一石龕崖口潭舊廬招王學士

岑參集

世三

驟雨鳴淅瀝。颼颼溪谷寒。碧潭千餘尺。下見蛟龍蟠。
石門吞衆流。絕岸研層巒。幽趣倏萬變。竒觀非一端。
偶逐干祿徒。十年皆小官。抱板尋舊圃。弊廬臨迅湍。
君子滿清朝。小人思挂冠。釀酒漉松子。引泉通竹竿。
何必濯滄浪。不能釣嚴灘。此地可遺老。勸君來考槃。

林卧

偶得魚鳥趣。復茲水木涼。遠峯帶雨色。落日搖川光。
白中西山藥。袖裏淮南方。唯愛隱几時。獨遊無何鄉。

左僕射相國冀公東齋幽居

丞相百僚長。兩朝居此官。成公雲雷際。翊聖天地安。
不矜南宮貴。祇向山東看。宅占鳳城勝。窓中雲嶺寬。
午時松軒夕。六月藤齋寒。玉珮胷女蘿。金印耀牡丹。
山禪上衣桁。野鼠緣藥盤。有時披道書。竟日不着冠。
幸得趨省闈。常欣在門闌。何當復持衡。短翮期風搏。
過緱山王處士黑石谷隱居

舊居緱山下。偏識緱山雲。處士久不還。見雲如見君。
別來逾十秋。兵馬日紛紛。青溪開戰場。黑谷屯行軍。
遂令巢由輩。遠逐麋鹿群。獨有南澗水。潺湲如昔聞。

岑參集

廿四

緱山西峯草堂作

結廬對中岳。青翠常在門。遂耽水木興。盡作漁樵言。
頃來闕章句。但欲閒心魂。日色隱空谷。蟬聲喧暮村。
曩聞道士語。偶見清淨源。隱几闕吹葉。乘秋眺歸根。
獨遊念求仲。開徑招王孫。片雨下南澗。孤峰出東原。
棲遲慮益澹。脫畧道彌敦。野靄晴拂枕。客帆遙入軒。
尚平今何在。此意與誰論。佇立雲去盡。蒼蒼月滿園。

觀楚國寺璋上人寫一切經院有曲池深竹

璋公不出院。群木閉深居。誓寫一切經。欲向萬卷餘。

揮毫散林鵲。研墨驚池魚。音翻四句偈。字譯五天書。
鳴鐘竹陰晚。汲水桐花初。雨氣潤衣鉢。香烟泛庭除。
此地日清淨。諸天應來如。不知將錫杖。早晚躡空虛。
尋鞏縣南李處士別業

先生近南郭。茅屋臨東川。桑葉隱村戶。蘆花映釣船。
有時著書暇。盡日窓中眠。且喜閭井近。灌田同一泉。

驪姬墓

驪姬北原上。閉骨已千秋。澮水日東注。惡名終不流。
獻公自耽惑。視子如仇讎。此事成蔓草。我來逢古丘。

岑參集

廿五

娥眉山月落。蟬鬢野雲愁。欲弔二公子。橫汾無輕舟。
東歸晚次潼關懷古

暮春別鄉樹。晚景低津樓。伯夷在首陽。欲往無輕舟。
遂登關城望。下見洪河流。自從巨靈開。流血千萬秋。
行行潘生賦。赫赫曹公謀。川上多往事。淒涼滿空洲。

楚夕旅泊古興

獨鶴唳江月。孤帆凌楚雲。秋風冷蕭瑟。蘆荻花紛紜。
忽思湘川老。欲訪雲中君。麒麟息悲鳴。愁見豺虎群。

先主武侯廟

先主與武侯相逢雲雷際。感通君臣分。義激魚水契。
遺廟空蕭然。英靈貫千歲。

文公講堂

文公不可見。空使蜀人傳。講席何時散。高堂豈復全。
豐碑文字滅。冥莫不知年。

楊雄草玄臺

吾悲子雲居寂寞。人已去。娟娟西江月。猶照草玄處。
精恠喜無人。睚眦藏老樹。

司馬相如琴臺

琴臺集

廿六

相如琴臺。古人去。臺亦空。臺上寒蕭條。至今多悲風。
荒臺漢時。月色與舊時同。

嚴君平卜肆

君平曾賣卜。卜肆蕪已久。至今杖頭錢。時時地上有。
不知支機石。還在人間否。

張儀樓

傳是秦時樓。巍巍至今在。樓南兩江水。千古長不改。
曾聞昔時人。歲月不相待。

昇僊橋

長橋題柱去猶是未達時及乘駟馬車却從橋上歸
名共東流水滔滔無盡期

萬里橋

成都與維揚相去萬里地滄江東流疾帆去如鳥翅
楚客過此橋東看盡垂淚

石犀

江水初蕩瀾蜀人幾為魚向無爾石犀安得有邑居
始知李太守伯禹亦不如

龍女祠

岑參集

世

龍女何處來來時乘風雨祠堂青林下宛宛如相語
蜀人競祈恩捧酒仍擊鼓

南池宴餞辛子賦得科斗子

臨池見科斗羨爾樂有餘不憂網與釣幸得免為魚
且願充文字登君尺素書

初過隴山途中呈宇文判官

一驛過一驛驛騎如星流平明發咸陽暮到隴山頭
隴水不可聽嗚咽令人愁沙塵撲馬汗霧露凝貂裘
西來誰家子自道新封侯前月發安西路無停留

都護猶未到。來時在西州。十日過沙磧。終朝風未休。
馬走碎石中。四蹄皆血流。萬里奉王事。一身無所求。
也知塞垣苦。豈為妻子謀。山口月欲出。先照關城樓。
谿流與松風。靜夜相颼颼。別家賴歸夢。山塞多離憂。
與子且攜手。不愁前路修。

東歸蒺犄為至泥溪舟中作

前日解侯印。泛舟歸山東。平旦發犄為。逍遙信回風。
七月江水大。滄波漲秋空。復有峨眉僧。誦經在舟中。
夜泊防虎豹。朝行逼魚龍。一道鳴迅湍。兩邊走連峰。

岑參集

廿

猿拂岸花落。鳥啼巖樹重。烟靄吳楚連。汴沿湖海通。
憶昨在西掖。復曾入南宮。日出朝聖人。端笏陪群公。
不意今棄置。何由豁心胸。吾當海上去。且學乘槎翁。
與鮮于庶子自梓州成都少尹自褒城同行

至利州道中作

剖竹向西蜀。岷峨眇天涯。空深北闕戀。豈憚南路賒。
前日登七盤。曠然見三巴。漢水出嶓冢。梁山控褒斜。
棧道籠迅湍。行人貫層崖。巖傾劣通馬。石窄難容車。
深林怯魑魅。洞穴防龍蛇。水種新插秧。山田正燒畬。

夜猿嘯山雨。曙鳥鳴江花。過午方始飯。經時旋及瓜。
數公各遊宦。千里皆辭家。言笑忘羈旅。還如在京華。
下外江舟中懷終南舊居

杉冷曉。暖。悲。楚。客。心。欲。絕。孤。舟。巴。山。雨。萬。里。陽。臺。月。
水宿已淹時。蘆花白如雪。顏容老難楮。把鏡悲髣髴。
早年好金丹。方士傳口訣。敝廬終南下。久與真侶別。
道書誰更開。藥竈烟遂滅。頃來厭塵網。安得有仙骨。
巖壑歸去來。公卿是何物。

安西館中思長安

岑參集

九

家在日出處。朝來起東風。風從帝鄉來。不異家信通。
絕地欲盡。孤城天遂窮。彌年但走馬。終日隨飄蓬。
寂寞不得意。辛苦方在公。胡塵淨古塞。兵氣宅邊空。
鄉路渺天外。歸期如夢中。遙憑長房術。為縮天山東。

暮秋山行

疲馬臥長坂。夕陽下通津。山風吹空林。颯颯如有人。
蒼旻霽涼雨。石路無飛塵。千念集暮節。萬籟悲蕭辰。
鷓鴣昨夜鳴。蕙草色已陳。况在遠行客。自然多苦辛。

赴犍為經龍閣道

側徑搏青壁。危梁透滄波。汗流出鳥道。膽碎窺龍渦。
驟雨暗溪谷。歸雲網松蘿。屢聞羗兒笛。厭聽巴童歌。
江路險復永。夢魂愁更多。聖朝幸典郡。不敢嫌岷峨。
江上阻風雨

江上風欲來。泊舟未能發。氣昏雨未過。突兀山復出。
積浪成高丘。盤渦為嵌窟。雲低岸花掩。水漲灘草沒。
老樹蛇蛻皮。崩崖龍退骨。平生抱忠信。艱險殊可忽。
經火山

火山今始見。突兀蒲昌東。赤焰燒虜雲。炎氛蒸塞空。

岑參集

不知陰陽炭。何獨燃此中。我來嚴冬時。山下多炎風。
人馬盡汗流。孰知造化功。

題鐵門關樓

鐵關天西涯。極目少行客。關門一小吏。終日對石壁。
橋跨千仞危。路盤兩崖窄。試登西樓望。一望頭欲白。
早上五盤嶺

平旦驅駟馬。曠然出五盤。江回兩崖鬪。日隱群峯攢。
蒼翠烟景曙。森沉雲樹寒。松疎露孤驛。花密藏回灘。
棧道溪雨滑。畚田原草乾。此行為知己。不覺蜀道難。

入劔門作寄杜楊二郎中時二公並為杜元

帥判官

不知造化初。此山誰開折。雙崖倚天立。萬仞從地劈。
雲飛不到頂。鳥去難過壁。速駕畏巖傾。單行愁路窄。
平明地仍黑。停午日暫赤。凜凜三伏寒。巉巉五丁迹。
與時忽開閉。作因或順逆。磅礴跨岷峨。巍蹇限蠻貊。
星當觝參分。地處西南僻。斗覺烟景殊。杳將華夏隔。
劉氏昔顛覆。公孫曾敗績。始知德不修。恃此險何益。
相公總師旅。遠近罷金革。杜母來何遲。蜀人應更惜。

岑參集

卅一

暫回丹青慮。少用開濟策。二友華省郎。俱為幕中客。
良籌佐戎律。精理皆碩畫。高文出詩騷。奧學窮討贖。
聖朝無外戶。寰宇被德澤。四海今一家。徒然劔門石。
阻戎瀘間群盜

南州林莽深。亡命聚其間。殺人無昏曉。屍積填江灣。
餓虎銜髑髏。飢鳥啄心肝。腥裛灘草死。血流江水殷。
夜雨風蕭蕭。鬼哭連楚山。三江行人絕。萬里無征船。
唯有白鳥飛。空見秋月圓。罷官自南蜀。假道來茲川。
瞻望陽臺雲。惆悵不敢前。帝鄉在近日。瀘口連南蠻。

何當遇長房。縮地到京闕。願得隨琴高。騎魚向雲烟。
明主每憂人。節使恒在邊。兵革方禦寇。爾惡胡不悛。
吾竊悲爾徒。此生安得全。

西蜀旅舍春歎寄朝中故人呈狄評事

春與人相乖。柳青頭轉白。生平未得意。覽鏡心自惜。
四海猶未安。一身無所適。自從兵戈動。遂覺天地窄。
功業悲後時。光陰歎虛擲。却為文章累。幸有開濟策。
何負當途人。心無矜窘厄。回瞻後來者。皆欲肆轡轢。
起草思南宮。寄言憶西掖。時危任舒卷。身退知損益。

岑參集

冊二

窮巷草轉深。閒門日將夕。橋西暮雨黑。籬外春江碧。
昨者初識君。相看俱是客。聲華同道術。世業通往昔。
早須歸天階。不得安孔席。吾先稅歸鞅。舊國如咫尺。

行軍二首

吾竊悲此生。四十幸未老。一朝逢世亂。終日不自保。
胡兵奪長安。宮殿生野草。傷心五陵樹。不見二京道。
我皇在行軍。兵馬日浩浩。胡雛尚未滅。諸將總征討。
昨聞咸陽敗。殺戮淨如掃。積屍若丘山。流血漲豐鎬。
干戈礙鄉國。豺虎滿城堡。村落皆無人。蕭條空桑棗。

儒生有長策。無處豁懷抱。塊然傷時人。舉首哭蒼昊。

其二

早知逢世亂。少小謾讀書。悔不學彎弓。向東射狂胡。偶從諫官列。謬向丹墀趨。未能匡吾君。虛作一丈夫。撫劍傷世路。哀歌泣良圖。功業今已遲。覽鏡悲白鬚。平生抱忠義。不敢私微軀。

郡齋閒坐

負郭無良田。屈身狗微祿。平生好踈曠。何事就羈束。幸曾趨丹墀。數得侍黃屋。故人盡榮寵。誰念此幽獨。

古今文集

冊三

州縣非宿心。雲山忻滿目。頃來廢章句。終日披案牘。佐郡竟何成。自悲徒碌碌。

輦北秋興寄崔明允

白露披梧桐。玄蟬晝夜號。秋風萬里動。日暮黃雲高。君子佐休明。小人事蓬蒿。所適在魚鳥。焉能狗錐刀。孤舟向廣武。一鳥歸成臯。勝槩日相與。思君心鬱陶。

衙郡守還

世事何反覆。一身難可料。頭白翻折腰。歸來還自笑。所嗟無產業。妻子嫌不調。五斗米留人。東溪憶垂釣。

